

## Nah atekne wewvene akak nuwigu pewu

Pitatiye samah nah barew nukivay nah batek atak wewwa gikak niguh.  
Nikwe usuh kadahan piyana pewu hagene.  
Pahavwi kewniye Latiih, giveyniviye kewniye Tukuyuye.  
Avit niguh atak wewwa, ig pes kabayokat, ig ivegava akak hawkri. Ig awna:  
barewewa hawkri.  
Kibeyne adahan wewvaki takuwanek.  
Ig hiyapni henne, ig atak utip giwaygi, ig kinetihwa gikak.  
Ig awna ta git: avim inin hawkri barewewa kibeyne adahan wewvaki.  
Ig ayavgi : pariye pikenitakuwanek !  
Giwaygi kaytwa giwn: Yuma.  
Nikwe, uyamuh atak wewwa takuwanek imekavrikut ?  
Ig kaytwa : Uya !  
Ig awnasa piyana hiyeg, akiw adahan mhukname umuh.  
Adahan mhuknah umuh avuhiwne muhumdak, akak piya wagah waxrit.  
Wixwiw tivik takuwanek kabeywoke, adahan wixwiw hawka tohan avaknit  
palmist.  
Nikwe aygete usuh ahegbeta, urahun, uvamaa, utitahun, uvuhrihun, umunuh,  
usuh ahegbeta madikte.  
Nikwe usuh pes kabeywoke, adahan hawka ta imekavrikut.  
Danuh ateran, usuh wagehre waxrite akak pewu, ig niguh kavusa psuksuke  
pewu, paraye pewu kavusaw kasawge, waw, waw, waw, paraye ig ragehre  
niguh kavusaw ehe he he txuwa, txutxuwa eeh, nikwe usuh kavusaw sigis,  
ahavwi pewu igme uveyniviye bukinen amuhikuw  
waxri, mmatekamah ku aysaw pwikne maviya owvre ig havisnen atere.  
Ku piriya, ig ka kahawkan bukihri ateran, pewu hagehbig danuhte ihapkate, ig  
pwikne tubohe waikavrikute, iggis puwah gimin pwikne.  
Nikwe nerahs muhumdakiya avuhiw kitakva ig tuboh, pase iggis hiyavri tahege  
ahakwa un, iggis puwehre gimin, kamaxwig e umehbig.